

Ilulissat ulloq 17. December 2014.

Inatsisartut suleriaasiat § 37 immikkoortoq 1 naapertorlugu matumuuna Naalakkersuisunut apeqquut imaattoq saqqummiuppara.

Naalakkersuisunut apeqquut:

1. Inuit kræftimik eqqorneqarsimasut aningaasatigut ikiorneqarnissaminnik qanoq periarfissaqarpat ?
2. Ilumut pissusissamisoorpaa? Inuit kræftimik imaluunniit nappaammik nunatsinni katsorsarneqarsinnaanngitsumik nappaatillit appaat qanigisaalluunniit Danmarkimi ikorfartueqataanermanni nappasimasup ineerannguani Peqqinnissaqarfimmiit napparsimasumut akilerneqareersimasumut inissisimaqataanerani ullormut 400,- kr-inik akiliuteqartinneqartarnerat ?
3. Taama akiliuteqartinneqartarneq malittarisassanik sunik tunuliaqutaqarpa ?

(Inatsisartunut Ilaasortaq Anthon Frederiksen, Partii Naleraq)

Tungavilersuut:

Inuit ilaat aamma ukiorpassuarni inuiaqatigiinnut sullissereersimallutik ajoraluartumik nappaassuarmik kræftimik eqqorneqarsimasut, kisiannili napparsimanersiutit piffissami killilimmik aaliangersimasumi tigusartagaat nungukkaangata, pisortaniit ikiorneqarsinnaanerat ajornartorujussuusoq Partii Naleqqami napparsimasut ilaanniit paasitinneqarpugut.

Allaat inuit taama eqqorneqarsimasut aningaasanik taarsersugassanik ikiorneqarsinnaasut Pisortaniit ilisimatinneqartarsimapput. Taamalu paasitinneqarneq pissusissamisuunngilluinnartutut nalilerneqartariaqarpoq, tassami inuk napparsimareertoq aammalu qularnanngitsumik napparsimanerup nalaani aningaasatigut kinguaattooreersimasoq taama piunaffigineqarsinnaanera inummut toqqisisimananngilluinnartoq, kialluunniit atukkanik taama ajortigisunik paasinnissinnaasup paasisinnaasariaqarluarpaa, taamaattumik inuit taama eqqorneqarsimasut pitaasumik ikiorserneqarnissaat pisariaqarluinnarmat apeqquuteqaat manna Partii Naleraq sinnerlugu saqqummiuppara.

Apeqquutinut 2-mut aamma 3-mut qulaani tunngavilersuutinut ilanngullugu, inuit apeqquummi pineqartut, nappaammik eqqorneqarnerup kingunerisaanik ilaqtariit aningaasarsiornerat tamarmi amerlanertigut inuttarpoq, taamaattumillu aningaasatigut periarfissarititaasut inunnut

taakkununga ajorserujussuortarput, allaat akiligassanut angummanniarneq
ajornarsilluinnartarluni.

Taamaammat aamma apeqquummut 1-mut apeqqutit tulluuttut attuumalluinnarmata
ilanngullugit ullut suliffiit qulit qaangiutinnginnerini akissuteqarfigineqarnissaat Partii
Naleqqamiit paaserusuppavut.